

Iemisa tiratna timbiņ rapar Outna kam

Na Iemisna timbiņ rapara ma kam lainj witap. Na ma tirca Raraņ Aetaniacna meikramtairmo riptinandet, te, mina tipemb kirarir lainja raņgaina. Na ma kam roor witca tirca meikramtairmo otaca mina iroar inkar lainj aņģica, mana kambmo matau lamņi garacna.

Na Iemisa ma gagraa aindopatna, ramootta Iesusmo ripacrenan, ma wanaiņa mba eacitndait. Wanaiņ. Ma kabena meikramtairmo tipemb kirarir lainja monande, na anna wandacnandet, ma ritipac gargarap.

Totowairna moca aia witiķi gagra te, aia Raraņ Aetaniacap eteac laņ ndeacnandet

(1.1-18)

¹ Aku Iemis, na aku Raraņ Aetaniacapa, Kacoot Iesus Karaisna aiņa ramoot. Na ne Israelna parniņapa mbut mbuniņna wiwitna meikramtaira, nena ndeida ndorita pitrik waņna auņembmo tikcarica, gan tiacarpaikna kabena pitrik waņna auņembmo taņga eacrenanna, aku gan timbiņ rapara tirca neaņga makipek. Na ra laņ ņgoin.

Totowaiara aimo mo gagraena

² Aintik aukna Iesusa ripacrena laiplacar, nenmo ainta totowaiara nemo laru te, ne gaind ndamni, anna toŋtoŋna reac niŋgik. ³ Na ne lamjirena, reac ianna nena ritipaikta totowaiara towai te, anna nenmo moca ne gagraca witikca mitkar mbuknande. ⁴ Ainda moca memetmbaca ne witiki gagraca, ne mitkarmo mbukraŋ. Te, an tipna kirara nemo gargar ŋgoinna eacnandet. Na ne laiŋ ndeacnandet, na ne Raraŋ Aetaniacna tip kirarna reac ianna moca mba matpiitndai. Na nena tipemb kirarira wandoikca laiŋ tiŋgik teacnandet.

Ramoota ma iro laŋ matpi te, ma mbendei

⁵ Ainda moca nena rikna ramoot ianna, ma iro laŋa manmo matpi te, ma Raraŋ Aetaniacmo mbendeica mammo iro laŋ neaŋna digi te, Raraŋ Aetaniaca manmo neaŋnandet. Na Raraŋ Aetaniaca ma meikramtairmo muruŋcamiŋa reikca ndona toŋtoŋ mbuŋa neaŋrenan, na ramoota manmo digirenanna, ma mba ŋaterenanna. ⁶ Na an ramoota ma ritipac gidikapnanna, ma Raraŋ Aetaniacmo mbendei te, ma gaimda kai ripaca gaimda kai lamni teac, “Raraŋ Aetaniaca aukmo neaŋit ki, co, wanaiŋ?” Na ramoota iro mbuniŋapnanna, ma macaitna kirar, watta macaitmo rapaca ma tamtamma rimbicca kiprena kirar. ⁷ Na ainta ramoota gaimda kai lamni teac, Raraŋ Aetaniaca mammo reac ianna neaŋnandet. Wanaiŋ ŋgoin. ⁸ Ainta

1:2 Up 5.41, na Ro 5.3-5, na Ib 10.34, na 1 Pi 1.6, na 4.13, na 4.16

1:3 1 Pi 1.7 **1:5** 1 GRP 3.9-12, na ML 2.3-6, na In 15.7, na 1 Io 5.14-15 **1:6** Mk 11.24, na 1 Ti 2.8 **1:8** Ie 4.8

ramootta ma iro mbuniŋap eacrenan, na ma kaina tip kirara morenan, ma taup kabea mba rangairenanna.

Iemisa reik kocorta meikramtairapa, reik witapna meikramtairmo kam neayrina

⁹ Na Iesusa ripacrena laiplacarta ianna, ma reik kocortanna, Raraŋ Aetaniacna lamniac ŋgoutta, ma i aniacap, na ma toŋtoŋap eacnandet. ¹⁰ Na ramootta reik witapnanna, Raraŋ Aetaniaca mana imo aŋgi irik te, ma toŋtoŋap eac. Na ramootta kitukndukmo toŋgoca aŋgica tumbunna tikrenanna, ma katgarta kokocar menacrena kirar toca menacnandet. ¹¹ Ainda moca aia lamjirena, ra gacreke, mana owowaia, ma katgarmo moa menacrena. Ainda moca katgarta kokocara guruca irikrenan, aintik mina lamboir laiŋga kocnaia mainandet. Ainda moca ramootta reik witapnanna, ma eacrenan mbuŋa, ma ainta aiŋirmo ainda moi taŋ taŋi, ma menacnandet.

Raraŋ Aetaniac ma aimo laŋa morenan, na ma aimo mba wiŋga tip kirar ŋgoreaca mba morena

¹² Na ramootta witikca gagrarenan, na memetmbaca ma mitkar mbukrenan, ma toŋtoŋ ndeacnandet. Na ma totowairmo kocnai mo irik te, Raraŋ Aetaniaca manmo iarwarna eteacna wat neaŋca ma memetmbaca laŋ ndeacraŋnandet, na anna mana gagam. Na Raraŋ Aetaniaca ma mboprina, ramootta

1:9 Ie 2.5 **1:10** Nŋap 37.2, na 90.5-6, na 1 Ko 7.31, na 1 Pi 1.24, na 1 Io 2.17 **1:10** Ais 40.6-7 **1:12** ML 3.11-12, na 2 Ti 4.8, na Ib 12.5, na Ie 2.5, na 1 Pi 5.4, na KIEK 2.10

manmo matjirenanna, ma minmo an gagamma neanjandet. ¹³ Na reac ianna meac, co, ramoot ianna nikinik iroa moca manmo wiŋga ma tip ŋgoreacna makukca mo te, ma gaimda kai mbop teac, “Raraŋ Aetaniaca ma ndo aukmo moca aku an reaca morina.” Wanaiŋ ŋgoin, Raraŋ Aetaniacmo tip ŋgoreacna makukca manmo mba wiŋrenan, na ma meacramootmo mba wiŋga tip ŋgoreacna makukca morenan. ¹⁴ Na aina muruŋna kabe kabena, iroar inkara ndori ŋgepca, aimo wiŋrenan. Na an toŋtoŋ ŋgoreac ainan, ma ndo aimo wai aoca aimo parurenan, aintik aia tip ŋgoreacna makukca mona iroap. ¹⁵ Ainda moca an iroar inkara moi ŋgepna tip kirara, ma meaca nik tikca eacrena kirar toc, na iŋmbaia ma tip ŋgoreacna makukca moa larurenan, an tipna kirara meaca moonuoca mirrena kirar toc. Ainda moca tip ŋgoreacna makukca acnai te, ma memenaca moa larurena.*

¹⁶ Aintik aukna matjirena Iesusa ripacrena laiplacar koind, moca ne an tip kirarmo watcarica ma nenmo paru nari. ¹⁷ Na reik laiŋapa, reikca aia wanaiŋ naanjirenanna, mina laiŋ, na mina muruŋa tamuŋna auŋ ndiŋa kiprenan. Na Aetta riac tamuŋna memetacara muruŋa morinan, na ma ndo an reikmo aimo mandaca irikrena. Na an Aetta ma ndona tipemb kirarira mba ŋgetrikirenana ŋgoin. Na ma rana papaca

1:14 Ro 7.7-10 **1:15** Nap 7.14, na Ro 5.19-21 * **1:15** Ma meaca nik tikca eacrena kirar toc, na iŋmbaia moonuoca acnaica te, ma mirnande. An tip kirar kabe toco, tip ŋgoreacna makukca ainda morena, na ma memenaca moa larurena. **1:17** Mal 3.6, na Mt 7.11, na In 3.27, na Ro 11.29, na 1 Ko 4.7

reac ianna angica, ma taji rocot, co, matipna kirara wanaij. ¹⁸ Na mana tonjon mbuḅa ma aina Aet ndarurina. Na mana kam gidik mbuḅa ma aimo moa larurina. Na ma morina meikramtairapa, kabena reikmo aia mana outmbaina wiwitna kirar ndeacnande.

**Na aia Raraḅ Aetaniacmo
gidikca ripac te, aia tipemb
kirarir lainj motocmo monandet
(1.19—5.6)**

Aia kammo waraca man motoco rangai

¹⁹ Aintik aukna matjirena Iesusa ripacrena laiplacar koind, ne an reikmo matau ḅgoinna lamjiraj. Ne muruḅcamiḅa tawi ḅgoinna ndorita kourmo ikca kam mbarac, na ne kammo kai tawi nda ruti mbop teac, na ne nikkakatapa kaekga kai tawi mo teac. ²⁰ Na anna gaind, meacramootna nikkakatta Raraḅ Aetaniacna tip kirar wandoḅa mba moa larurenanna. ²¹ Ainda moca tipemb ḅgadudukarapa tipemb ḅgorikca muruḅcamiḅa acnairenan, na anna ne mo ke-cari. Na Raraḅ Aetaniaca nena iroar inkara tikca mutocrina, kammo angica ne ndorimo tamuḅa kai tik teac. Na an kamma nena ḅerḅgaourmo mac nda angina min.

²² Na an kamma ne angirinanna, ne anna rangairaj. Na ne manmo kai warac niḅgikca, kai warac teac, wanaij. Na ne wanaiḅa

1:18 In 1.13, na Epe 1.12, na Ie 2.3, na 1 Pi 1.23, na KIEK 14.4

1:20 ML 10.19, na 17.27, na LR 5.1-2, na 7.9 **1:21** 1 Ko 15.2, na Kol 3.8, na Ib 2.3, na 1 Pi 1.9, na 2.1 **1:22** Mt 7.21, na 7.26, na Lk 6.46, na Ro 2.13, na 1 Io 3.7

warac te, ne ndorimo maparuek. ²³ Ainda moca ramoot ianna Raraŋ Aetaniacna kammo wanaiŋa waracrenan, na ma mba rangairenan, anna ramootta ndona inpaŋanmo ninikna inikca tikca watrena kirar toc. ²⁴ Ma ndona inpaŋanna watca, na ma taŋ mandaca, ma tawi ŋgoinna iro ndarekrekeca ma ndona inpaŋanmo mba lamŋitndai. ²⁵ Na an tip wandikca ma tip ŋgoreacna makukna gargarmo, mo iriknandet, na aia tip ŋgoreacna makukna tuomna aiŋ kamainda momoa mba mac moitndai. Na an tip wandikca ma wandoŋ ŋgoin. Na ramootta an tip wandikmo matau wat te, na mana kammo rangai te, Raraŋ Aetaniaca an ramootna aiŋirmo matau ŋgoinna moca larunandet. Na an kammo, kai warac niŋgikca kai warac teac, na kai tawi ndarekrekke teac.

²⁶ Na ramoot ianna gaimd ndamŋi te, “Aku Iesusa ripacrena laiplacarta laŋ ian, na aku Raraŋ Aetaniacmo matau ŋgoinna mbendeirena.” Na ma ndona upmo mba mataua bubuocrenanna, anna ma ndo mbuŋa parurenan. Ainda moca mana ritipaikapa, mana mbembendeia, anna reac wanaiŋ niŋgik.

²⁷ Na Iesusa ripacrena laiplacarta tip kirara ma wandoŋ ŋgoin, na aina Aet, Raraŋ Aetaniacna lamniaca ma makukar kocor. Na anna gaimd, aia meik koinmbarapa, mombonikca mina aemaeta menacrinanmo, lamŋica mina makukarta moca

1:23 Lk 6.47, na Ie 2.14 **1:25** In 13.17, na Ro 8.2, na 2 Ko 3.18, na Ie 2.12 **1:26** Ŋap 34.13, na 39.1, na 141.3, na 1 Pi 3.10

1:27 Ais 1.16-17, na 58.6-7, na Mt 25.36, na Ro 12.2, na 1 Io 5.18

minmo otac. Na kabena reac ian toco, aia ndorita tatanj, kikipna nginanjmo matau wat, te, gan tiacarpaikna tipemb kirarira aimo Raranj Aetaniacna lamniacmo, mba moca ngaduduki watitndai.

2

Meikramtair muruŋcaminjmo aia tip kirar kabea moranj

¹ Na aukna Iesusa ripacrena laiplacar, ne aina Kacoot Iesus Karaismo ripacrinan, na ma tamuŋna auŋna reik lainj, lainj koindta Kacoot. Ainda moca ne irembapna meikramtairmo tipemb kirarir lainja moranj te, na iremb kocortanmo inj neanraŋ nari. ² Na ramoot ianna nena mimitpac angirena kaca matau ngoinna lamboi lainj aoca, na mana patŋitta ma patŋit ngapaocna raica mina gol mbuŋa morinan aoca ma kipca mbuk te. Na an kidrik toco, ramoot ianna aocna reik lainj kocora, na ma reac bagar tititac ngoreac aoca kipca anna mbuk te. ³ Na an lamboi laŋ aoca kiprina ramootmo, ne manmo matau monandet, na ne manmo gaindopnandet, “Laŋ ngoin, u kipca gan mbibiracna taup laŋa mbirac.” Na ne an reik kocorta ramootmo, ne aindopit ki, “U mona witik, co, u aukna or kitimmo pitrik pikinna mbirac.” ⁴ Na ne ainta tip kirara mo te, anna ne kabena meacramootna tip kirarmo, ne ndorita iroar puŋga ritirenan. Na ne mba mataua lamŋica meikramtairmo muruŋcaminjmo, tip kirar kabe

mbuņa mba ritrirenanna, wanaiņ. Na ne an ritri waparacna ramootta ma meikramtairmo iro ņgoreac mbuņa ritri waparaca morina kirar.

⁵ Ainda moca aukna matjirena Iesusa ripacrena laiplacar koinđ, ne warac, reik kocorta meikramtair ndaekpembca, gan tiacarpaikna meikramtairta lamnikca mina reik kocor teacrenan, an meikramtair tingikca Raraņ Aetaniaca minmo larapacrina, na ritipacna tip kirarmo mina laņ ņgoin ndeacnandet. Na ņgaua ma gaimda babuatna, meikramtaira manmo matjirenan ņgoinna, ma minmo ndona bubuocna inikca tiknandet. Ainda moca ma an reik kocorta meikramtair ndaekpembmo larapacatna, te, mina an bubuocna inikca eacnandet. ⁶ Na ne an iremb kocorta meikramtair ndaekpembmo numbira neaņrenan. Na ne gaimđ ndamņi, mandaia ndo nenmo makukara neaņrenan, na nenmo mo irikrenan, na ritri waparacna taup naaņgia taņrenan? Na anna an meikramtaira kitukndukapa, reik witapnanna, mina ndori ainda morenan. ⁷ Na Raraņ Aetaniaca nenmo Karaisna i laņmo, nenmo tikrenan, na mandaia ndo an imo peperena kam ņgoreac ndopit? An meikramtaira kitukndukapa, reik witapnanna, ndori anna morenan.

⁸ Na aina gagrirta ramoot paņan Raraņ Aetaniac, mana Timbigta Kapna inikca ma aimo Tip Wandik ianna neaņca gaimdopatna, “U

2:5 Mt 5.3, na In 7.48, na 1 Ko 1.26-28, na 1 Ti 6.18, na 2 Ti 4.8

2:6 Up 13.50, na 18.12, na 1 Ko 11.22, na Ie 5.6 **2:8** TN 19.18, na Mt 19.19, na 22.39, na Ro 13.8-9, na Gal 5.14

ndo ngoinna matņirenanna, an tipna kirara u kabena meikramtairmo, aında matņiraj.” Na ne Raraj Aetaniacna an tip wandikmo matau ngoinna rangairaj te, ne tip kirar laja morena. ⁹ Na ne ramoot ianmo tip kirar laja mo te, na ne kabena ramoot ianmo in neaj te, anna ne tip ngoreacna makukca moapekna. Aında moca an Tip Wandikca nenmo wandacri, ne Tip Wandikmo mba waraca rangairena meikramtair. ¹⁰ Na ramoot ianna Tipemb Wandikmo muruņcamiņa rangairenan, na ma kabe ianmo rangai ngocor te, anna ma makukap, na an tipna kirara ramootta Tipemb Wandikmo muruņcamiņa mba rangairenanna kirar toc. ¹¹ Na aia lamņirina, Raraj Aetaniaca ma aindopatna, “Ne meikramtairta tipemb ngadudukarta tipemb kirarira kai mo teac.” Na ma gaind motocmo, mbopatna, “Ne kabena meikramtairmo kai mo menac teac.” Na u meikramtairta tipemb ngadudukara mo ngocor, na u meac, co, ramoot ianna mo menac te, anna u Tip Wandikca rangai ngocorta ramoot ian ndarurina. ¹² Aında moca ne gaind koında matau lamņi. Raraj Aetaniac ma lamņinande, gan tip ngoreacna makukna gargar mo irikna tip wandikap, na an tip wandikca ma aimo tip ngoreacna makukna tuomna aiņ kamaind mac mona toawanaiņ. Na Raraj Aetaniaca ma an tip wandikmo ma lamņinandet, te, ma nena tipemb kirarirmo ritri waparaca monandet. Aintik

2:9 TW 1.17 **2:10** TW 27.26, na Mt 5.19, na Gal 3.10 **2:11** NA 20.13-14, na TW 5.17-18, na Ro 13.9 **2:12** Gal 6.2, na Ie 1.25-26, na 1 Pi 2.16

ne muruŋcamiŋa memetmbaca ainta kambapa tipemb kirarirmo, an ramootta gan tip wandikna kaŋgaukca eacrena tip kirara morañ. ¹³ Na ramoot ianna kabena ramoot ianmo kadmaia mo ŋgocor te, Raraŋ Aetaniaca manmo ritri waparacna ra, manmo ritri waparaca mo te, Raraŋ Aetaniaca manmo mba kadmaica otacit-ndai. Na ramootta kabena ramootmo kadmaire-nanna, Raraŋ Aetaniaca manmo kakadmaica ritri waparacna ramo, manmo kadmainande.

Ritipacna tip kirara tip kirar laŋmo mo laru ŋgocor te, anna reac wanaiŋ

¹⁴ Na aukna Iesusa ripacrena laiplacar, meacramoot ianna aindop te, “Ma Karaismo ripacrenan.” Na ma tip kirar laŋa mba morenan. Te, mana ritipaca anna reac wanaiŋ. Na ainta ritipaca manmo mac nda aŋgina min ki? Toawanaiŋ. ¹⁵ Na Iesusa ripacrena laiplacarta lap, co, mbi ianna ma tik ŋgapaocna raranjit ŋgoreacap, na ma amta reik kocor te, ¹⁶ na nena ianna manmo aindop te, “U nikinik iro wetwet ndeac. Na u taŋca tik ŋgapaoc tikca una tikmo aŋgi kitac, na u taŋca amna reac aŋgica am.” Te, an kamma manmo titoc ŋgotacit? Ne ndori, manmo tik ŋgapaocapa, amna reac manmo neaŋ te, anna ndo mana tikmo otacnandet. ¹⁷ Na ritipacna tipna kirar toco gaind, ma wanaiŋ ndeac te, na ma tip kirar laŋmo mo ŋgocor te, an ritipaca ma reac wanaiŋ.

2:13 ML 21.13, na Mt 5.7, na 18.32-35, na 25.41-42, na 1 Io 4.17-19

2:14 Mt 7.21, na 7.26, na Ie 1.23 **2:15** Iop 31.19-20, na Lk

3.11, na 1 Io 3.17 **2:17** Ie 2.20, na 2.26

18 Na meacramoot ianna aindop te, “Ramtair ndeida mina ripacrenan, na ramtair ndeida mina tipemb kirarir lainga morenan.” Ainda moca aku an kammo ainda rutina mamoeek, “Na u toco ripacrenan, na u tip kirar laņa mba morenanna, ainda mo te, aku una ritipaca titoc ndamnjit? Na aku ndo aku tip kirar laņa monandet, na anna ndo aukna ritipaca unmo wandacnandet.” 19 Na u ainda ripacrena, “Raraņ Aetaniaca ma kabe ningik ndeacrena.” Na anna laņ. Na ņerņgaur ņgorik toco ainda ripacrenan, na mina nanambirena. 20 Aintik u ņaņaorena ramoot. U ripac te, na u tip kirar laņ toco mo ņgocor te, una ritipaca anna reac wanaiņ. Na u an kamna miniņa waracna morena ki? Aintik u warac. 21 Atua aina nicau Abraamma, ma ndona nuoc Aisakmo aņģica, ģimbamba morena taupca tikca manmo Raraņ Aetaniacmo, ģimbamba mona morinan. Aintik an minna Raraņ Aetaniaca mana tip kirara watca, mammo ramoot wandon maacat. 22 Na ne matau lamņi. Abraamma mana ritipaikapa, mana tip kirar laņa ndoniņa tikca, an tip kirar laņa, anna ndo mana ritipaca moa minna tikrina. 23 Na Raraņ Aetaniacna timbigta kapca aindoprinan, “Abraamma ma Raraņ Aetaniacmo ripacat tik, ma manmo ramoot wandon maacat.” Na ma Abraammo ģaind ņġacatna, “Aukna aikndamoot.” Na an kamna miniņa Raraņ Aetaniaca morinanna, mina ande mana

2:18 Gal 5.6, na Ie 3.13 **2:19** Mt 8.29, na Lk 4.34, na Up 16.17

2:21 RL 22.1-14 **2:22** Ib 11.17-18 **2:23** RL 15.6, na 2 Nin 20.7, na Ais 41.8, na Ro 4.3, na 4.9, na 4.22, na Gal 3.6

timbigta kapca tikrinan. Na an tip kirara Abraamma Aisakmo, morinanna ma raek ndarurina. ²⁴ Aintik mandeaca ne malamjica, ritipac ningik mbuḡa Raraḡ Aetaniaca ramootmo wandoḡa mba acrenanna. Wanaiḡ. Ramootta tip kirar laḡa morenan, Raraḡ Aetaniaca ma anna lamjirena, na anna minijna moca ma manmo ramoot wandoḡ ngacrena.

²⁵ Ainda moca an kirar mbuḡa kabena meacramootap kaḡtertaapna tipca morena meac Reap, ma Iosuana mandaca kiprina ramtairmo bubuocrina, na ma minmo kabena taup ndiḡa mandaca mina nda mataḡgat. Aintik Raraḡ Aetaniaca mammo meac wandoḡ ngacatna.

²⁶ Ainda moca aia lamjirena, tikca ma ḡeron kocortan, anna ma menacrinan. Na an tipna kirar mbuḡa meac, co, ramootta aindop te, ma ritipacap, na ma ritipacna tip kirar laḡa mo laru ngocor te, an meac, co, ramootna ritipaca ma memenacna kirar toc.

3

Aia ndorita mboprena kambta moca matau wat

¹ Aukna Iesusa ripacrena laiplacar, moca nena rikna ramtair witta an ririptina aiḡa Raraḡ Aetaniaca toḡgorena tipna kirar aḡgica, an mbuḡa meikramtairmo ripti nari. Na anna gaind, an minna Raraḡ Aetaniaca meikramtairta tipemb kirarirta ritri waparac mo te, aia ririptina aiḡa morena ramtaira, ma aina aiḡirmo mataui ritri

2:25 Ios 2.1-21, na Ib 11.31 **2:26** Ie 2.17 **3:1** Mt 23.8, na 23.14, na Lk 6.37, na 12.47, na 1 Pi 5.3

waparaca monandet. ² Na kidrik witca aia reac ianna mona iroar landamñiarap, na aia katta morenan. Na an tipna kirara aimo muruñcamin ndarurenan. Na ainta ramoot ianna eac te, na ma kammo wandonj ningikca mbopca mitkar kocor, ma ramoot lañ ngoin, na ma ndona tikmo muruñca matau ngoinna bubuocna min. ³ Na osna upmo, aia aen tip teker ian tikca mamoca, aia tañrena taupca ranjaica tañrena. Na an tipna kirara aia mina upna tiñara morena, na mina tikca anna ranjairenan. ⁴ Na lanğumna tip kirar tocmo ne lamñi, ma reac aniac, na wat aniaca manmo rapaca ma macaitta tañrenan. Na mana tiñara morena reaca tekernoc ngoin. Ainda moca mana tiñara morena ramootta, ma tenna tañna mo te, ma an tiñar ngutiña tiñara mo te, lanğumma mana tañna tonğorena taupca tañnandet. ⁵ An kirar kabea mimma ma aina tikna umbum tekernoc, na ma ndo weraireke, ma ndona imo tamuñca tikrena.

Na aia lamñirena, tac tekernoca ma ngepi acnai te, ma ranmo muruñca wirnandet. ⁶ Ainda moca mim toco ma tacna kirar. Na ma aina tikna umbum motem, na ma aimo ainta tipemb ngorikca moa larurena. Na ma aina tikmo moa ngocairena, na aina tikmo ainta tipemb ngorikca moca tacna owaina kirar. Na an taca ma menac ngocorta iarwara wirrena tac. ⁷ Na meikramtaira ranña amta nğoaebapa, ngorikcapa, nduipapa macait inikna reikmo

3:2 1 GRP 8.46, na ML 20.9, na Mt 12.37, na 1 Io 1.8 **3:5** Nğap 12.3, na 73.8-9, na ML 12.18, na 15.2 **3:6** ML 16.27, na Mt 12.36-37, na 15.11, na 15.18-19, na Mk 7.15, na 7.20, na 7.23

anğica ndorita bubuocna kanğaukca tikrena. ⁸ Na ramoot ianna ma ndona mimmo bubuocna toawanaiņ. Na memetmbaca aina mimma ngepca kamb ngorik toprena, na ma aimo, mo meņacna kocna kirar toc. Ainda moça ma aina mimmo minna tikca eacrena. ⁹ Na mim mbuņa aia aina Kacootna i anğia ngeprenan, na ma aina Aet. Na Raraņ Aetaniaca ma meikramtairmo moça mina man toc ndarurena, na mim mbuņa aia kabena meikramtairmo kam ngorik topca minmo moa ngocrairena. ¹⁰ Na an up kabe mbuņa aia Raraņ Aetaniacna i anğia ngeprena, na kamb ngorik toprena. Aintik aukna Iesusa ripacrena laiplacar, ainta tipemb kirarira lainğa wanaiņ. ¹¹ Na au puk ianna ma mba puk rat laņapa, teramna pukapmo kapca mba mo larurenanna, wanaiņ. ¹² Na aukna Iesusa ripacrena laiplacar, ne tit ndamņirena, nğanin ikca ma olip loora erna min ki? Wanaiņ. Na wain nğatikca ma nğaninna loora erna min ki? Aintik an kirar kabea teramna pukca ma puk rat laņa mba mo laruitndai.

Ramootta iro laņapnanna ma tip kirar laņa monandet

¹³ Na nena rikna meac, co, ramoot ianna ma iro laņapa landamņiap eacrena ki? Na ainta ramootta eac te, mana tataņapa eteaca laņ ndeacraņnandet. Na ma kai garuru teac, ma laņan wetwet ndeac, na ma ndona imo kai anği ngep teac. Na ma iro laņapa landamņi laņna tip kirarmo matau ranğairan te, meikramtaira

mana morena tipemb kirarir lainmo wat rapacnandet. ¹⁴ Na ne kabena meikramtairmo nikinik iroar ngorikap, na ne memetmbaca ndorita irembmo angî ngepna taupembta moca orerenan, na ne ndorita iroar lainjapa landamñi lainjta moca kai tonggoraŋ teac. Moca ne paruca nena tipemb kirarira kam gidikmo mo iriknandet. ¹⁵ Na ainta iro lajapa landamñi laja ma tamuŋna auŋ ndiŋa mba kiprinan, wanaiŋ. Ma gan tiacarpaikna reac niŋgik. Na ma nikinik iro bagar ndiŋ ndarurenan, na ma Paparuna Ramoot, ma mana aet. ¹⁶ Na ne warac, meikramtaira kabena meikramtairmo iroar ngorikapnan, na memetmbaca mina ndorita irembmo angî ngepna taupembta moca orerenan, mina laja mba mbiraca eacrenanna. Na mina kaina tipemb ngoricka mina morena. ¹⁷ Na meikramtaira ainta iroar lainjapa landamñiara Raraŋ Aetaniac ndambuŋnan angirenana, mina ainta tipemb kirarira morena. Out ngoinna mina iroar landamñiar ratara ranjairena. Na an ndambuŋnanna, mina kabena meikramtairap nikinik iroar wewetarap eacrenan, na minmo tipemb kirarir wewetara moran, na mina, mina kambmo waracrena. Na mina kabena meikramtairmo kakadmaina opotaca morenan, na mina minmo tipemb kirarir lainjga morenan. Na an tipembta iro kabea mina meikramtairmo muruŋcamiŋa morena. Na mina tipemb kirarir lainjga

3:14 Ro 2.17, na 2.23, na 13.13
3:16 1 Ko 3.3, na Gal 5.20
 na 1 Pi 1.22, na 1 Io 3.18

3:15 Pil 3.19, na Ie 1.5, na
3:17 Ro 12.9, na 1 Ko 2.6-7,

rangairenan, na mina mba parurenanna, wanaiŋ. Mina tipemb kirarir laiŋ gidkara rangairena. ¹⁸ Na aia an nikinik iro wetwet kabeap eac te, anna aia amta reikca mutocrena kirar. Na an nikinik iro wetwet kabe mbuŋa, aina eteacna watna tipemb kirarir wandoik laiŋga larurenan, anna amta reik laiŋga warinŋ nangacrena kirar toc.

4

Ramootta gan tiacarpaikna tipemb kirarira tongorenanna, ma Raraŋ Aetaniacna puŋdamoot

¹ Na ne tit ndamŋirena, kaina reacna miniŋa ndo moca nemo kaegapa, runduŋa nena rikca moa larurenan? Anna nikinik iroar mo ŋgeprena tipemb kirarira nenap eacrenan, mina ndorimo nena tikna umbumap ruŋrenan, na an tipemb kirarira ndo, runduŋapa kaega mo ŋgeprenan. Na anna gidik ki? ² Na titocna reikca ne aŋgina toŋtoŋgarapnan, ne mba aŋgiitndai. Ainda moca ne meikramtairmo pia menacrenan. Na ne reikmo lamnik puŋga watca toŋgorenan, na ne aŋgina minna wanaiŋ. Aintik ne nikembkatca kaega moa ŋgeprenan. Na ne Raraŋ Aetaniacmo mba mbendeirenanna, ma ndo nenmo reik neaŋrenan, na anna miniŋa moca ne reikca mba aŋgirenanna. ³ Na ne Raraŋ Aetaniacmo reik aŋgina mbendeireke, ne mba

3:18 ML 11.18, na Ais 32.17, na Mt 5.9, na Pil 1.11, na Ib 12.11
4:1 Ro 7.23, na Gal 5.17, na 1 Pi 2.11 **4:3** Nŋap 66.18, na Ais 1.15, na Mai 3.4, na Sek 7.13, na 1 Io 3.22

anğirenanna, an kidrikca nena iroara lainğa eac nğocor, aintik ne mbendeica digirenan. Na nena nikinik iroar landamñiara, ne ndorita tikemb nğotacna reik anğina toñtonğarap. ⁴ Aintik ne Rarañ Aetaniacmo tikcamacariri, an kirara meaca ndona kanğaitta tikcarica ma tanğa tipemb nğadudukarta tip kirara morenan. Aında moca ne warac. Ramootta gan tiacarpaikna tip kirarna iro landamñiap eac te, ma Rarañ Aetaniacmo puñdamootna tip kirara morena. Anna moca ne mba lamñirenan ki? Aintik ramootta gan tiacarpaikna tip kirarap aikndamootta mo te, ma Rarañ Aetaniacna puñdamoot ndarunandet. ⁵ Aında moca Rarañ Aetaniacna timbigta kapca gaindoprina, “An neronja ma aina inikca tikca eacrenanna, Rarañ Aetaniaca toñğorenanna, ma mana kanğauk niñgik ndeacrañ.” Na ne tit ndamñirena, an kamma ma reac wanaiñ, ki?

⁶ Na Rarañ Aetaniaca ma aimo kakadmai bagarianiac nğoinna morenan. Aintik Rarañ Aetaniacna timbigta kapca gaindoprena, “Meikramtaira ndorita irembmo anğia nğeprenan, ma mina irembmo anğia irikca pikinna tikrena. Na meikramtaira ndorita irembmo pikinna tikrenanna, ma mina moca kadmairenan, na ma minmo laña morena.” ⁷ Aında moca ne ndorimo anği pikinna tikca Rarañ Aetaniacna kanğauk ndeacrañ. Na ne Paparuna

4:4 In 15.19, na 17.14, na Ro 8.7, na Gal 1.10, na 1 Io 2.15 **4:5** RL 6.5, na NA 20.3-5, na Ndu 11.29, na ML 21.10 **4:6** Njap 138.6, na ML 3.34, na Lk 14.11, na 1 Pi 5.5 **4:7** Epe 4.27, na 6.11-12, na 1 Pi 5.7

Ramoot narica iukaica manmo kai ranjai teac, ma nenmo tikcarica ma kipcarinandet. ⁸ Na ne Raraŋ Aetaniacmo rambuŋ ngoinna taŋ te, ma nenmo kipi rambuŋainandet. Na ne tipemb ŋgorikta makukara morena meikramtair, nena nikinikna iroara moi mina rat ndarunandet. An kirara ramootta ma ndona parniŋmo tukica ma rat ndarurena kirar. Na ne meac, co, ramootta iro mbuniŋapnanna, ne an iroar inkar ŋgorikmo ne mo kecar. ⁹ Na ne kakadmaina tip kirara moca, ne kadmaica aeran. Na ne mandeaca laroŋrenan, ne an tip kirara ŋgetrikica ne aeran. Na ne mandeaca tonŋoca eacrenanna, ne an tonŋorena tip kirarmo ne ŋgetrikica ne kakadmaina inpaŋanna tip kirar anŋi. ¹⁰ Ainda moca Kacootna lamniac ŋgoutmo ne ndorita irembmo anŋi irikran. Te, ma nena irembmo anŋi ŋgepraŋnandet.

Aia kabena meikramtairmo iŋa kai mbopran teac

¹¹ Na ne Iesusa ripacrena laiplacar, ne Raraŋ Aetaniacna kabena meacramootmo kam ŋgoreaca kai mbop teac. Na ramootta kabena meacramootmo kam ŋgoreac, co, manmo ritri waparaca moran te, ma Tip Wandikmo kam ŋgoreac mambopreke, na ma Tip Wandikmo ritri waparac mamoreke. Na u Tip Wandikmo ritri waparaca mo ndop te, u Tip Wandikna kaŋgauk ndeacrena ramootta wanain, u manmo

4:8 2 Nin 15.2, na Ais 1.16, na Sek 1.3, na Mal 3.7, na Ie 1.8, na 1 Io 3.3 **4:10** Iop 5.11, na 22.29, na Mt 23.12, na 1 Pi 5.6 **4:11** Lk 6.37, na Ro 2.1, na Epe 4.31, na 1 Pi 2.1

ritri waparacna ramoot malaruri. ¹² Na Raraŋ Aetaniac, ma ndo kabe niŋgikca Tip Wandikca moa larurinan, na ma ndo kabea ritri waparacna ramoot. Na ma ndo niŋgikca meikramtairmo mac nda aŋgina min, na minmo mo ŋgocraina min. Aintik u mandai, na u kabena meikramtairmo ritri waparaca morenan?

Aia kai garuru teac

¹³ Na ne aukmo warac, aku nenmo kammap, ne meikramtaira gaindoprenan, “Mandeac, co, ŋorap aia auŋ aniac ianna taŋca iar ianna an ndeaca kitukndukna aiŋa moca, kituknduk aniac aŋgiraŋnandet.” ¹⁴ Na ne an kam kirarmo ne mboprenan, na ŋorapa ndataruna reaca ne mba lamŋireke. Na nena eteacna watta, ma wauna kirar, ma laruca teker emtem ndeaca, ma mainandet. ¹⁵ Aintik ne aindop, “Anna laŋ, Kacootta toŋgo te, aku eteacna watap eaca an reikca aku lamŋirenanmo aku monandet.” ¹⁶ Na ne ndorita irembmo aŋgia ŋgepca, ndori mona aiŋir anikta reikta kamb toprena. Ainta tip kirara anna u ndona paŋan garurna i aŋgia ŋgeprena tipna kirar, na anna tip kirar ŋgoreac ŋgoin. ¹⁷ Aintik ne matau lamŋi. Na u tip kirar laŋ ianna u monanna lamŋi te, na u mba mori, anna u tip ŋgoreacna makukca morina.

4:12 Mt 10.28, na Ro 2.1, na 14.4, na 14.13 **4:13** Lk 12.18-20
4:13 ML 27.1 **4:14** Ŋap 39.5, na 39.11, na 102.3, na Ie 1.10,
na 1 Pi 1.24 **4:15** Up 18.21, na 1 Ko 4.19, na Ib 6.3 **4:17** Lk
12.47, na In 9.41, na 15.22, na Ro 1.20-21, na 2.17-18, na 2.23

5

*Meikramtaira reik witapnanna, mina opoik
ngoreac anġinandet*

¹ Aında moça mandeaca ne reik witapna meikramtaira, aku nenmo kammapp. Na nenmo laruna mitkar bagraranikta moça ne lamņiraņ, na ne aerañ, na ne larikraņ. ² Na nena reik wit lainġapa, lamboira mina ngocrairina. Na nena tik ngapoikca bobodira amba otererinan. ³ Na nena kituknduk aniacna wautniņa ġolapa silwa maniņa kawirira moa ngocrairina. Na an ngogocraica ma nena tipemb ngorikta makukarmo moi raekca tiknandet. Na ma nena tikmo tac toca wirnandet. Na ġan tiacarpaikna mamamaina ra, kipca rambuņairinan, na ne an reik witapa kitukndukmo wanaiņa punirena. ⁴ Na ne matau warac, ramtaira nena wariņa aiņa morinanna, ne minmo paruca kituknduk tipca mba neañri, na an kituknduk tipca ne utiņrenanna, ma Raraņ Aetaniacna ngacrenan, te, ma nena tipemb ngorikmo rutinande. Na an aiņa morina ramtairta ataca ma Kacoot Gargar Aniacapna koara malarurina. ⁵ Na memetmbaca ne ġan tiacarpaik ndeacrinanna, ne reik lainġ, lainġ anġica toņtoņġarap eacrina. Na ne amba, amba tikembca aocarica, na nenmo mo menacna ra ma kipca larurina. ⁶ Na ramtair wandoikmo ne anġica minmo ritri waparaca mona tikrinan, na minmo moa menacrinan. Na mina nena

5:1 ML 11.28, na Lk 6.24, na 1 Ti 6.9 **5:2** Iop 13.28, na Ie 2.2

5:2 Mt 6.19 **5:4** TW 24.14-15, na Ier 22.13, na Mal 3.5 **5:5** Ier 12.3, na 25.34, na Emo 6.1, na 6.4, na Lk 16.19, na 16.25, na 1 Ti 5.6

gagrarca mba ndari, na mina nenapmo mba nda ruŋri.

Aia gagraca eaca Raraŋ Aetaniacmo mbendeia Kacootna kikipna lambina

(5.7-20)

*Aia ndorita iroar inkara moi gagraca mitkara
mbukca Kacootna lambina*

⁷ Aintik ne Iesusa ripacrena laiplacar, ne ndorita nikinik iroarmo moi gagraca, na ne mitkarmo mbukraŋ, na Kacootna kikipna lambiraŋ. Na ne lamŋirenanna, wariŋapna ramootta ma ndona wariŋna amta reikmo laiŋ taruna moca, ma lambica pukap ra ndoniŋna aiŋa mo mai te, iŋmbaia ma ndona wariŋna amta reikmo aŋŋica amnande. ⁸ Aintik ne toco, ne iroar inkara moi gagraca laŋan ndeac, na mitkar nenmo larurenanno, ne mbuk. Na Kacootna nda kikipna ra, kipca marambuŋairi. Aintik nena iroar inkara gagraca eacraŋ.

⁹ Aina moca aukna Iesusa ripacrena laiplacar, ne Raraŋ Aetaniacna meikramtairmo, kabe, kabemo kekelamunna kai ke teac. Moca Raraŋ Aetaniaca ma ritri waparaca mona ramoot ndaruca ma nenmo ritri waparaca monandet. Na ne warac, an ritri waparaca mona ramootta, ma ande tiŋ kamma lambica maeacreke. ¹⁰ Aintik aukna Iesusa ripacrena

5:7 TW 11.14, na Ier 5.24, na Osi 6.3, na Iol 2.23, na Sek 10.1, na Lk 21.19 **5:8** Ro 13.11-12, na Pil 4.5, na Ib 10.25, na 10.37, na 1 Pi 4.7 **5:9** Mt 24.33, na 1 Ko 4.5, na Ie 4.11 **5:10** Mt 5.12, na Ib 11.35

laiplacar, ne ngaua Kacootna i mbuŋa wi-witica mboprena rambca morina ramtairta ndamnjiraŋ. Mina punnanŋepca minmo tipemb kirarir ŋgorikca morinan, na mina ndorita nikinik iroarmo, moa gagraca mina an mitkarmo mbukrina. Na ne an iroarta tipemb kirarir minanmo aŋgica anna ranŋairan. ¹¹ Na ne warac. Aia gaindoprena, “Meikramtaira iroar inkara moi gagraca, na mina mitkarmo mbukrenan, mina laiŋ teacnandet, na mina tongoca wereica eacrenan.” Na ne Iobna nininimo ne waracrinan, ma ndona nikinik iromo moa gagraca ma ndo ndarurina mitkarmo ma mbukrina. Aintik ne lamnjirenan, inmbaia Kacootta manmo tipemb kirarir laiŋga moatnan. Na laiŋ, aia lamnjirenan, memetmbaca Kacootta ma aimo kakadmai aniacap, na ma aina moca kadmairena.

Aia tamuŋna auŋmo wanaiŋa gidikca kai aci mbop teac

¹² Aintik ne Iesusa ripacrena laiplacar, reac lacaua ne monanna gaind, ne tamuŋna auŋ, co, gan tiacarpaik, co, kabena reikmo i ngaca, tamuŋna auŋmo gidikca kai mbop teac. Na ne, “Laiŋ,” ndop te, “Laiŋa,” anna ma min. Na ne, “Wanaiŋ,” ndop te, “Wanaiŋa,” anna ma min. Moca ne tamuŋna auŋ ndopca Raraŋ Aetaniaca ma nenmo rurutina opoik ngoreaca neanndet.

Ramoot wandoŋna mbembendei ma gargarap

13 Na nena ianna ma mitikap te, ma Raraŋ Aetaniacmo mbendei. Na nena ianna ma nikinik iroa tonŋonap te, ma Raraŋ Aetaniacna i anŋi ŋgepna ŋaip kumb. 14 Na nena ianna ma roumbap te, ma Iesusna ritipaikta meikramtairta tumbunna ramtair paŋaindmo aci kipca mina manmo watna. Te, mina Kacootna i mbuŋa tabairmo mana tikca tik te, mina Raraŋ Aetaniacmo mbendeica ma mana roumbmo, mo laŋa monande. 15 Na mina Raraŋ Aetaniacmo ripaca mbendei te, Kacootta an roumbapna ramootmo, mo laŋa moca manmo mo ŋgepnandet. Na ma tip ŋgoreacna makukca mo te, Kacootta mana tipemb ŋgorikta makukarmo mo kecarinandet. 16 Ainda moca ne kabe, kabea nena tipemb ŋgorikta makukarmo, Raraŋ Aetaniacna meikramtairmo ndorita tipemb ŋgorikta makukarmo mbop warac. Na ne kabe, kabea Raraŋ Aetaniacmo mbendeica, ma nemo moi laŋa monandet. Aintik ramoot wandoŋa ma mbendei te, mana mbembendeica ma gargar aniacap, na ma kabena meikramtairmo otacna min ŋgoin. 17 Na Elaia ma aina kirarna ramoot. Na ma Raraŋ Aetaniacmo gagaraca mbendeica pukca iarir mbonkacapa tipmo mba rapacri, na pukca mba rapacatke. 18 Na inŋmbaia ma mac mbendeiri, riaca pukmo wattacarica pukca marapacat, na wariŋna amta reikca gaca makotri.

5:13 Epe 5.19, na Kol 3.16 **5:14** Mk 6.13, na 16.18 **5:15** Ais 33.24, na Mt 9.2, na Mk 16.18 **5:16** TW 9.18-20, na 1 Sml 12.18, na 1 GRP 13.6, na Ŋap 34.15, na In 9.31 **5:17** 1 GRP 17.1, na 18.1, na Lk 4.25, na Up 14.15 **5:18** 1 GRP 18.42-45

Ramootta taup wandonjmo tikcaririnan, aia manmo mac nda anji kip

¹⁹ Na aukna Iesusa ripacrena laiplacar, nena ianna Raraŋ Aetaniacna kam gidikmo tikcari te, na tamtamma taŋ te, na Iesusa ripacrena laiplacarta ianna manmo anji kip te, ²⁰ an laplacauca ma tip laŋ mamoot. Aintik ne an kammo matau ŋgoinna lamŋiraŋ. Na laplacau ianna ma tip ŋgoreacna makukna ramoot ian ndambuŋa taŋca manmo otaca ma taup ŋgoreacmo tikcarica ma Raraŋ Aetaniac ndambuŋ nakip te, ma an tip ŋgoreacna makukca morina ramootna ŋeronjmo mac nda maanjiat, na ma mba menacitndait. Na an tip kirar mbuŋa Raraŋ Aetaniaca ma tipemb ŋgorikta makukar wit aniacmo, ma mo kecarinandet.

5:19 Mt 18.15, na Gal 6.1 **5:20** Njap 51.13, na ML 10.12, na Ro 11.14, na 1 Ko 9.22, na 1 Ti 4.16, na 1 Pi 4.8

**Raraŋ Aetaniacna Kam Wembaŋ Lan
New Testament in Mborena Kam language
Nupela Testamen long tokples Mborena Kam long
Niugini**

copyright © 2016 Pioneer Bible Translators

Language: Borei

Translation by: Pioneer Bible Translators

© Pioneer Bible Translators Association of Papua New Guinea, Inc.; © Pioneer Bible Translators of Dallas, Texas, USA

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 11 Nov 2022 from source files dated 29 Jan 2022

8e1073ed-d2dc-5f3a-bb48-5406185123a7